

ribus aquis, & brodiis, & corporibus, lapidibus, & spiritibus, ut hanc artē preciosam, omniū nominū multiplicatione devastarēt, varia quoq; regimina, & vasa descripserūt, ut fallerent omnes hanc artē amicabilem inquirentes, cum non sit necessarium in hac arte, nisi una re, unitate, specificata, uno nomine nominata, & una actione perfici potest, sed & coque- re, quo tempore vel quibus temporibus fieri potest. Dimitte ergo quæ fallentes explanarunt, & sequentia tene. En Minerā quoddā pingue sufficienter & habundans reperitur. Quod dicitur pix, vel sulphur incombustibile, Kibric vel alkibric, caput & pater aluminum, salium & omnium liquabilium metallorum & oleum. Et primum quod emanat (scil. à pinguedine) ab eo est vapor, qui condensatur in aquam, quæ nō adhæret tangenti, pro eo quod quoddam subtile, terreum sulphureū, sibi est commixtū quod eam aliquantulum inspissavit. Propterea hæc aqua dicitur à Philosophis aqua sulphuris, aqua munda, quæ nulli commiscetur coinquinationi, spiritum Lunæ, solis umbra, urina, oculus, beya, lac, lachryma, arbor fructifera, servus fugitivus, arg. viv. foemineum, acetum acerrimum, aqua perennis, mulier, foemina, vulgariter dicitur, vi. ar. fugitivum. Dicitur etiam à Philosophis Azoth, summa humiditas, aqua permanens, quæ quando conjungitur cum sulphure fixo corporis, absque qua in igne permanere non potest. Præsciendum est ad majorem evidentiam doctrinæ, quod ista commixtio videlicet aquæ omnia metalla producit in mineram secundum diversitatem materiæ & forme, scilicet Mercurii & sulphuris commixtio. Ipsa tamen aqua si non effoderetur ex profunditate terræ, esset in via perfectionis cuiuslibet mineralis ad tempus longum. Nota, Superius dixit Petrus, In minera est quædam pinguedo, denotans, per hoc medullam sulphuris fixi corporis, quod dicitur pix, vel sulphur, & illa pinguedo, ut dicit Albertus, est in omnib. metallis, & omnia metalla oriuntur ab ea. Notabile autem est omnium maximè, quod ex hac aqua procedit est Soloma, & Brumafar. Hic loquitur Petrus de anima extracta à Sole & Luna, quomodo diversa habet nomina, Synonima ergo Sol & Luna, Soloma & Brumafar, quæ nobiliora sunt inter metalla propter sulphur fixū in se habentia, quod extrahitur ab ipsis per aquā præallegatā, ut artifex intelligat ex quibus lapis philosophicus habetur, audiat Philosophos, Sol, æs Philosophorū, corpus magnesiæ, corpus syncerū, corpus mundū, elixir, masculus, lathon, arg. vi. fixū, sulphur incombustibile, sulphur fixum rubrum, uber, filius, sanguis rubei hominis

Kibric